

Կրոնական կազմակերպության պետական գրանցումը մերժելու օրենքով նախատեսված հիմքերը

Կազմակերպական-իրավական տեսակը	«Խղճի ազատության և կրոնական կազմակերպությունների մասին» ՀՀ օրենք	«Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի
Կրոնական կազմակերպություն	1. Կրոնական կազմակերպության պետական գրանցումը կարող է մերժվել գործող օրենսդրությանը նրա հակասելու պարագայում: (16-րդ հոդվածի 2-րդ պարբերություն)	<p>Կրոնական կազմակերպության գրանցումը մերժելու հիմքերն են՝</p> <p>1. կրոնական կազմակերպության կազմավորման՝ օրենքով սահմանված կարգի խախտումը.</p> <p>(մասնավորապես՝ «Խղճի ազատության և կրոնական կազմակերպությունների մասին» ՀՀ օրենքի համաձայն՝ քաղաքացիների խումբը ճանաչվում է որպես կրոնական կազմակերպություն, եթե այն բավարարում է հետևյալ պայմաններին.</p> <p>1) չի հակասում սույն օրենքի 3-րդ հոդվածի դրույթներին, այն է՝ քաղաքացու նկատմամբ չի թույլատրվում որևէ հարկադրանք կամ բռնություն՝ ժամերգություններին, կրոնական ծիսակատարություններին և արարողություններին, կրոնի ուսուցմանը մասնակցելու կամ չմասնակցելու հարցերի նկատմամբ իր վերաբերմունքը որոշելիս:</p> <p>Խղճի ազատության իրավունքի իրագործումը ենթակա է լոկ այն սահմանափակումներին, որոնք անհրաժեշտ են հասարակական անվտանգությունը և կարգուկանոնը, քաղաքացիների առողջությունն ու բարոյականությունը, հասարակության մյուս անդամների իրավունքներն ու ազատությունները պաշտպանելու համար:):</p> <p>2) հիմնվում է պատմականորեն կանոնացված որևէ սուրբ գրքի վրա.</p> <p>3) իր դավանանքով մտնում է համաշխարհային ժամանակակից կրոնական-եկեղեցական համայնքների համակարգի մեջ.</p> <p>4) զերծ է նյութապաշտությունից և ուղղված է դեպի հոգևոր ոլորտները.</p> <p>5) ընդգրկում է առնվազն 200 հավատացյալ անդամ: Մինչև 18 տարեկան երեխաները չեն կարող անդամագրվել կրոնական կազմակերպությանը՝ անկախ կրոնական ծեսերին իրենց մասնակցելու պարագայից և այլ հանգամանքներից:</p> <p>Սույն պայմանները (բացի «ա» կետում նշվածից) պարտադիր չեն միայն ազգային փոքրամասնությունների կրոնական կազմակերպությունների համար՝ իրենց ազգային դավանանքով: (5-րդ հոդված):</p>

2. սույն օրենքով և այլ օրենքներով սահմանված փաստաթղթերը չներկայացնելը.
(մասնավորապես՝ «Խղճի ազատության և կրոնական կազմակերպությունների մասին» ՀՀ օրենքի համաձայն՝ Կրոնական կազմակերպությունը գրանցելու համար անհրաժեշտ փաստաթղթերի հետ միասին իրավաբանական անձանց պետական ռեգիստրի գործակալություն պետք է ներկայացվի կրոնի գործերով պետական լիազորված մարմնի փորձագիտական եզրակացությունը՝ «Խղճի ազատության և կրոնական կազմակերպությունների մասին» ՀՀ օրենքի 5-րդ հոդվածի «բ»-«ե» ենթակետերով սահմանված պայմանների վերաբերյալ:
(14-րդ հոդված)

3. ներկայացված փաստաթղթերի անհամապատասխանությունն օրենքին
(մասնավորապես՝ «Խղճի ազատության և կրոնական կազմակերպությունների մասին» ՀՀ օրենքի համաձայն՝ կրոնական կազմակերպության կանոնադրությունը տվյալներ է պարունակում կրոնական կազմակերպության բնույթի և գործելու վայրի, դավանական պատկանելության, կրոնական միավորման կառուցվածքի, աղոթատեղիների և գույքային դրության, ձեռնարկություններ հիմնելու ուսումնական և հրատարակչական հաստատություններ ստեղծելու մտադրությունների, գործունեության դադարեցման դեպքում գույքային և այլ հարցերի լուծման կարգի մասին, ինչպես նաև պարունակում է տվյալ կազմակերպության գործունեության առանձնահատկությունների հետ կապված այլ դրույթները)
կամ կրոնական կազմակերպության ներկայացրած այլ փաստաթղթերին.

4. անվանման անհամապատասխանությունը օրենքով սահմանված պահանջներին, եթե անվանման գրանցումը մերժվել է, և անձը չի ներկայացրել այլ անվանում:
(36-րդ հոդված 1-ին մաս)
(մասնավորապես՝
1) ոչ առևտրային կազմակերպության անվանման գրանցումն իրականացվում է կազմակերպության գրանցման հետ միաժամանակ:
(32.1 հոդվածի 1-ին մաս)
2) Կազմակերպության անվանման գրանցումը մերժվում է, եթե դրա

		<p>տարբերակող նշանակություն ունեցող անունը՝</p> <p>ա) նույնական է սահմանված կարգով գրանցված այլ իրավաբանական անձի լրիվ անվանմանը.</p> <p>բ) նույնական է Կազմակերպության գրանցմանը նախորդող վերջին մեկ տարվա ընթացքում լուծարված այլ իրավաբանական անձի լրիվ անվանմանը (անվանման հապավմանը).</p> <p>գ) պարունակում է հայհոյանքներ, վիրավորական անվանումներ, անհարիր է ազգային կամ հոգևոր արժեքներին, հակասում է մարդասիրության և բարոյականության սկզբունքներին: (32.1 հոդվածի 6-րդ մաս)</p>
--	--	---

Կրոնական կազմակերպության փոփոխությունների պետական գրանցումը մերժելու օրենքով նախատեսված հիմքերը

Կազմակերպական-իրավական տեսակը	«Ինդի ազատության և կրոնական կազմակերպությունների մասին» ՀՀ օրենք	«Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի
Կրոնական կազմակերպություն	Կրոնական կազմակերպության պետական գրանցումը կարող է մերժվել գործող օրենսդրությանը նրա հակասելու պարագայում: (16-րդ հոդվածի 2-րդ պարբերություն)	<p>Կրոնական կազմակերպության փոփոխությունների պետական գրանցման մերժման հիմքերն են՝</p> <p>1. կրոնական կազմակերպության փոփոխությունների՝ օրենքով կամ կանոնադրությամբ սահմանված կարգի խախտումը.</p> <p>2. սույն օրենքով և այլ օրենքներով սահմանված փաստաթղթերը չներկայացնելը կամ ներկայացված փաստաթղթերի անհամապատասխանությունն օրենքին կամ կրոնական կազմակերպության ներկայացրած այլ փաստաթղթերին. (մասնավորապես՝</p> <p>Արձանագրությունը պետք է բովանդակի տեղեկություններ՝</p> <p>1) նիստի գումարման օրվա և վայրի մասին.</p> <p>2) Արձանագրության կազմման օրվա մասին.</p> <p>3) նիստի աշխատանքներին մասնակցելու իրավունք ունեցող անձանց (այդ թվում՝ ծայնի իրավունք ունեցողների) մասին (եթե առանձին կազմակերպական-իրավական ձև ունեցող իրավաբանական անձանց վերաբերյալ օրենքներով այլ բան նախատեսված չէ).</p>

4) նիստի աշխատանքներին մասնակցած անձանց մասին (եթե առանձին կազմակերպական-իրավական ձև ունեցող իրավաբանական անձանց վերաբերյալ օրենքներով այլ բան նախատեսված չէ).

5) նիստի օրակարգը.

6) քվեարկության դրված հարցերը, քվեարկության արդյունքները, ընդունված որոշումները.

7) այլ տեղեկություններ, եթե այդպիսի պահանջ սահմանված է առանձին կազմակերպական-իրավական ձև ունեցող իրավաբանական անձանց վերաբերյալ օրենքներով, այլ օրենքներով կամ իրավաբանական անձի կանոնադրությամբ.:

(17-րդ հոդվածի 6-րդ մաս):

3. առկա է կրոնական կազմակերպության փոփոխության գրանցումն արգելող կամ սահմանափակող՝ դատարանի համապատասխան որոշում կամ վճիռ: (43-րդ հոդվածի)